

《佛說阿彌陀經要解》 補充講表

◎附表二十五：糅合《阿彌陀經要解講義》、《阿彌陀經要解親聞記》、《圓中鈔》

○西方世界，有無量壽佛、無量相佛、無量幢佛、大光佛、大明佛、寶相佛、淨光佛。

※無量相：相好無量也。無量幢：功德無量，超勝如幢也。大光：廣大光明，映蔽一切也。

※大明：佛智大明，無惑不破也。寶相：相好殊特，如寶可貴也。

※淨光：淨表法身，光表報應也。

○北方世界，有燄肩佛、最勝音佛、難沮佛、日生佛、網明佛，

※燄肩：雙照真俗，如肩發燄。即兩肩表權實二智，兩肩發燄，表二智燄光，照真俗二理。

※最勝音：梵音深妙，超勝一切。難沮：法身堅固，不可沮壞。沮：ㄣㄩˇ，敗壞、破壞。

※日生：如日初昇。無幽不燭。網明：智明如網，遍覆十界。即佛之智慧光明，猶如因陀

羅網，既互照莊嚴之不盡；亦遍覆十方之無餘。可表慈悲，蔭祐十界。

○下方世界，有師子佛、名聞佛、名光佛、達磨佛、法幢佛、持法佛、

※師子：如師子王，摧伏群獸。即師子為百獸中王，身力威猛；吼音雄震；力能伏獸；聲能裂腦。喻佛從意輪現身通，口輪說大法，眾生莫不皈依，邪魔悉皆摧伏。

※名聞：名稱普聞無量世界。即佛有無量德，應有無量名，皆有稱名之實。一一不虛，一一諸名，聞於無量世界。莫不使聞者，仰名餐德。而獲利益。

※名光：名如日光，遍照一切。即智光而為名光，智隨名遍，而光依智照。

※法幢：法性如幢，高出群有。※持法：以中道實智，持二邊法。

○上方世界，有梵音佛、宿王佛、香上佛、香光佛、：寶華德佛、見一切義佛、如須彌山佛。

※梵音：梵即淨也。法音淨妙，聞者適悅也。

※宿王：如月照夜，星宿中王。三乘聖眾，猶如星宿；佛清淨月，如宿中王，以清淨法，

蔭諸煩熱。

※香上：眾德如香，超諸因位。佛有五分身香，能總一切萬德，人所不能及，故稱香上佛。

※香光：五分法香，如光破暗。佛名香光莊嚴者，以有五分法身之香，遍照法界，破諸眾生不淨之暗故也。 ※大燄肩：大智發光，雙照二諦。

※寶華嚴身：萬行因華如寶，莊嚴法性身。復以是而為號，欲令眾生睹相，莫不志願思齊。

※娑羅：此云堅固，喻法身無變易故。

※寶華德佛：四德如寶，如花開敷。即佛之所寶，莫貴四德，芬芳煒燁，如花開敷。

※見一切義：洞達諸法，甚深義故。諸法：十界也。義趣者：三諦也。惟佛與佛，乃能究盡，故稱見一切義佛。

※如須彌山：如妙高山，眾聖中尊。須彌山，四寶所成，故稱為妙。表出眾山，故稱為高。喻佛究竟常樂我淨，一切因人莫能過之。

○此界非非想天之上，復有上界，風輪，金輪，及三界等，重重無盡也。

※上方亦有無盡世界，無盡諸佛。此界無色界，非非想天之上，是空輪。空輪之上，復有上界風輪、火輪、金輪、水輪，四洲大地，及人間天上，三界等。如是一重一重，無有窮盡，故諸佛亦無盡也。

○今初機易標心故。

※今初機之人，聞讚此經，信有西方依正莊嚴，願生極樂淨土，執持彌陀名號。心信、心願、心念，易於標心也。

○其間難易淺深，總在於緣。緣之所在，恩德弘深，

※緣之所在，恩德弘深：彌陀與眾生緣之所在，在於何處？乃在彌陀因中，所發四十八種弘願，成就眾生，離苦得樂。此種恩德弘深，勝過諸佛，故為願勝。

○種種教啟，能令歡喜信入，能令觸動宿種，能令魔障難遮，能令體性開發。

※種種教啟，能得四悉檀利益。佛說極樂世界依正莊嚴，能令發歡喜心信入，即世界悉檀，

得歡喜益。能令觸動宿世善根種子，起欣求心，即為人悉檀，得生善益。能令一心執持，以正念斷除妄念，魔障諸難，得以遮遣，即對治悉檀，得破惡益。能令從事持，而入理持，法身體性，豁然開發，即第一義悉檀，得入理益。

○尊隆於教乘，舉揚於海會。沁入於苦海，慈契於寂光。所以萬德欽承，群靈拱極。

※圓證三不退，補處菩薩甚多，乃為千經萬論所無，此經獨擅，故曰：尊隆於教乘。諸佛異口同音讚歎，為稱讚不可思議功德，一切諸佛所護念經，此即舉揚於諸佛海會。

※沁入於苦海：謂釋迦諸佛法水，流入娑婆苦海，眾生心中，令其信願持名，念念滅除八十億劫生死重罪。由事持而達理持，則慈契於寂光真理矣。所以諸佛萬德慈尊，悉皆欽承讚歎。【沁】音讀くーく、，滲入、滲進。

※群靈拱極：作二釋。一、群靈：指極樂諸上善人、菩薩、羅漢，無量無邊，皆拱衛彌陀，如眾星皆拱北。二、謂十方無量菩薩，皆願生極樂，親近彌陀。

○當知佛種從緣起，緣即法界。一念一切念，一生一切生。一香一華，一聲一色。

※佛種從緣起：佛種乃佛性種子，即眾生所具之正因佛性；亦即一真法界，必從緣了二因而起。若無了因佛性，慧心之解悟；及緣因佛性，善心之修持，則正因佛性理心，終歸埋沒，不得而發起。故曰：佛種從緣起。

※緣即法界：當知緣了二因，即是全體法界。以三因不出一心故，而西方依正，亦不出一心，法界即一心別名。彌陀是法界藏身，故一念一切念；念一佛，即念一切諸佛。極樂是法界藏土，故一生一切生；生極樂一土，即生一切諸佛國土也。

○若謂西方是權，華藏是實。西方小，華藏大者：以不達權實一體，大小無性故也。

※若謂西方是權，乃李長者《華嚴合論》之偽，於一心性中，分權分實，分小分大，全墮眾生遍計執情，妄生分別。以不達權實，唯是一體，大小本來無性之故。權實大小，皆依他起性。依他如幻，故無性；依他不離圓成，故一體。以不達故，墮遍計執性。